

յաղթանակներ և կը ջանայ Հայաստանի ներկայ սահմանների մէջ առնել նաև Տաճկահայաստանի այն մասերը, որոնք հանդիսանում են Հայ աշխատաւորութեան հայրենիքը»:

Քիչ յետոյ ստացւեց և զօրավար Դենիկինի ճանաչումը: Հարաւային Ռուսաստանի Ձինւած Ուժերի Գլխաւոր Հրամանատարի զինւորական ներկայացուցիչը Հայաստանում՝ զնդապետ Զենկելիչը գրում էր փետր. 10-ին. «Պատիւ ունեմ տեղեկացնելու Հայաստանի կառավարութեան Մեծ Բրիտանիայի անդրկովկասեան կոմիսարի և Թիֆլիսի մեր ներկայացուցչի միջոցով հին տոմարով յունւ. 21-ին (նոր տոմ. 3 փետր.) ինձ ուղարկած մի հեռագրական հաղորդագրութիւնը, որով յայտնւում է, թէ Հարաւ Ռուսաստանի զինւորական ուժերի գլխաւոր հրամանատարը ճանաչում է փաստօրէն գոյութիւն ունեցող Հայաստանի, Ագրբէջանի և Վրաստանի կառավարութիւնները: Ուրախ եմ առիթից օգտուելով յիշեցնելու, որ Փարիզում դաշնակիցների կողմից ընդունւած կատարելապէս միեւնոյն ակտը Հայաստանի վերաբերմամբ զօր. Դենիկինի կողմից իրականացւած էր դեռ 1919թ. օգոստ. 20-ին (հին տոմ.), երբ Հայաստանի կառավարութեան մօտ նշանակում էր իր զինւորական ներկայացուցչին»:

Պէտք է ասել, որ հայերի մէջ անխախտ համոզում էր տիրում, որ Կամաւոր. Բանակը Հայաստանի նկատմամբ ունի առանձին վերաբերում: Այդ համոզումը ամրանում էր և զօր. Դենիկինի մի շարք համակրական արտայայտութիւններով ու կարգադրութիւններով: Այսպէս, 1919թ. նոյ. 9-ին նա հրատարակել էր իր ծանօթ հրամանը, որի մէջ ասում էր, թէ՛ «Ի նկատի ունենալով ագրբէջանեան իշխանութիւնների թշնամական վերաբերումը դէպի ոռոս բանակը և ի նկատի ունենալով ագրբէջանեան զօրքերի դաւադիր յարձակումը Հայաստանի հողերի վրա՝ հրամայում եմ ագրբէջանեան զօրքերի մէջ գտնուող ոռոսական ծառայութեան բոլոր սպաներին հեռանալ նրանց շարքերից»:

Քաղաքական տեսակէտից, սակայն, զօր. Դենիկինը դէպի Հայաստանը ունէր նոյն վերաբերումը, ինչ որ և դէպի Ագրբէջանն ու Վրաստանը: 1919 թւի յուլ. 2-ին նա այսպիսի հրահանգ էր տալիս զօր. Բարատովին, որը գնում էր Թիֆլիս՝ բանակցելու համար անդրկովկասեան հանրապետութիւնների հետ.

«Կատարելապէս համակրելով հայ ժողովրդի ձգտումներին՝ միանալու ազգային սահմանների մէջ և համարելով, որ հայերը իրենց պատմական ու տնտեսական շահերով սերտ կերպով կապւած են Մէկ, Անբաժան Ռուսաստանի հետ, որի սահմանների մէջ է մտնում Հայաստանի ամենից աւելի ծաղկած մասը, Հարաւ. Ռուս Ձինւ. Ուժերի Գլխ. Հրամանատարութիւնը նոյն ձևով, ինչպէս և Վրաստանի ու Ագրբէջանի վերաբերմամբ, ընդունում է հայկական շրջանների անջատ ինքնուրոյն կառավարութիւնը, մինչև համառուսական իշխանութեան վերջնական հաստատումը, առանց ունենալու որևէ յարձակողական դիտաւորութիւն Հայաստանի վերաբերմամբ, բայց միշտ մնալով կանգնած ոռոս պետականութեան միութեան տեսակէտի վրա»:

Նոյն միտքը մենք տեսնում ենք արտայայտւած և հրապարակօրէն: 1920թ. յունւ. 16-ին, Գերազոյն Կրուդում արտասանած ճառում զօրավար Դենիկինը, հետեւեալ ձևով էր բնորոշում իր վերաբերումը դէպի Ռուսաստանից անջատւած հողամասերը.